

## Minister Glenbert Croes y Staatssecretaris di deporte Sra. Margo Vliegenhardt lo traha hunto den interes di deporte



ORANJESTAD (AAN): Un reunion di suma importancia a tuma lugar diamars ultimo na Hulanda entre e mandatario Arubiano encarga cu deporte Sr. Glenbert Croes y e Staatssecretaris encarga cu deporte Sra. Margo Vliegenhardt. Dicho reunion tabata sumamente importante unda cu tres asunto a keda subraya y sosteni pa ambos partido. Lo bay yega na un acuerdo di cooperacion riba tereno di deporte pa un termino largo unda cu Hulanda lo asisti Aruba den restrukturacion y profesionalizacion di deporte di Aruba.

A raiz di e acuerdo aki tambe cu Ministerio di Deporte di Hulanda lo manda pa Aruba dos di su profesionalnan riba un asina yama: Factfinding mission pa investiga e estructura actual pa di e forma aki presenta nan conclusionnan y sugerencianan

na Secretario di Estado Sra. Vliegenhardt y Minister di Deporte Sr. Glenbert Croes. Conhuntamente e mandatarionan lo defini un plan di accion.

E proximo punto di agenda ta e reunion cu e mandatario Arubiano a sostene cu KNVB unda cu nos Minister di Deporte kier stimula un acuerdo di cooperacion entre Gobierno di Hulanda, Aruba, KNVB y AVB pa yuda eleva e nivel di e deporte di futbol na Aruba. Sra. Vliegenhardt ta apoya e plan di accion aki di Glenbert Croes ya cu ta su

opinion cu ta mihor bo cuminsa trata cada un deportista su mes. Di e forma aki ta traha mas efectivamente den mehoracion di cada un deportista practica na Aruba. Cada deportista di e forma aki lo haya su debido atencion Alavez e mandatarionan di Hulanda y Aruba lo coordina e asistencia cu NOC/NSF lo duna na COA/ASU pa asina pone un fundeshi solido p'e desaroyo di nos deportista cu finalmente lo mester keda demostra den e resultado di nos deportis-

tan den compentencianan na Aruba y na nivel internacional.

E ultimo tema discuti tabata organizacion di Weganan di Reino. Riba e punto aki tambe tabatin un ke otro cu mester a keda aclarea. E mandatario Arubiano a señala na Staatssecretaris Margo Vliegenhardt cu constantemente cu futbol ta un deporte sumamente importante pa ambos pais anto ta indispensable pa futbol sigui forma parti di Weganan di Reino.



## PLAN DI BORCHI!!



Traficacion di droga..

### Como 20 Hulandes preso na Peru

ORANJESTAD (AAN): Aña pasa autoridad anti droga na Peru a pone man na Aeropuerto un total di 230 stranhero. E cantidad aki a aumenta ta casi 200 porcierto mas cu na 1999. E mayoria mas grandi di stranheronan ta procedente di Spaña y Colombia.

Mientras casi na e ultimo lugar Hulanda cu 20 detenido. Na aña 2000 508 kilo di Cocaina a worde confisca pa autoridad Peruano cual 478 kilo ta Cocaina puro.

Pa loke ta aña 1999 un total di 195 kilo di coca a worde confisca pa miembronan di e cuerpo anti-droga.